

近代中國史料叢刊第三十一輯
沈雲龍主編

屠光祿（梅君）疏稿

屠仁守著

文海出版社印行

疏 屠
稿 先
福

汪 著
汪 著



Wt 157/02

宣統壬戌
潛樓校刻

光緒甲申乙酉之間

孝欽顯皇后臨朝宦豎寢寢用事法夷初就欵卽興園工而醇親王挾太上之尊結黨以傾恭王兄弟內鬪國勢岌岌可危其時諫垣勇於建言者一爲義烏朱蓉生一新一爲孝感屠先生梅君欵夷之議初起兩人具疏力爭皆不報其後朱君以劾李聯英降官先生請罷園工觸

太后怒竟假事緹吏議徑降

中旨黜之由是言事者頗有戒心臺諫不振者累年余嘗讀朱君佩苙齋集見其料事之明析理之精及朋儔往來酬答論學之辭輒掩卷咨嗟歎其言論丰采爲不可及而猶以未見先生

著述爲恨朱君嘗受張文襄聘掌教端州先生失官後閉門卻
掃不通賓客益潛心宋五子書躬行實踐不敢過爲高論後亦
西游太原主令德堂講席吾友劉君幼雲入晉視學相見甚驩
密疏奏薦並許刊其奏疏卽所傳漸室疏稿編爲四卷總四十
篇者是也癸丑六月予來青島始得盡讀其書知先生久居諫
職前後凡六七年不僅園工一疏能言人所難當海軍初興親
貴漸出領事羣小趨附權門報効者輒予美官衆畏縮不敢出
聲先生獨憤然冒死力諫且請裁抑親貴收回醇王會商樞務
成命進曲突徙薪之謀以杜履霜堅冰之漸若預知有今日之
變者小人貪寵不悟不幸而使君子被知言之名嗚呼其可哀

也已然光緒中葉之政雖日趨窳敗新說猶未盛行故先生及朱君廢棄不用猶得優悠於端溪汾水之間設帳談經各專一席著書立說傳之其徒以期不朽自國變作而夷服夷言東南各省盡成犬羊窟宅國學既廢鹿洞鷲湖先賢講學之地亦皆鞠爲茂草予還新昌展轉遷徙遁跡窮山黃冠道服幸乃獲免幼雲擁書避難膠島亂後相逢執手欷歔亦有難言之隱海上流寓諸公貧靡而居妻孥相對悲咤多不能自存回念同光諸老罷官之後坐擁皋比牛酒束脩餽問不絕殆不啻開元慶厯之人再上而追溯雍乾全盛之時更如海上神山可望而不可卽此予讀先生之文所以益增遲暮之感而慄然於骨肉之親

不可離祖法之不可輕變也聊綴數言以盡後死之責異時操
史筆者本此以存一代是非之公而先生之言緝於一時伸於
萬世九原有知可以無憾矣癸丑七月新昌胡思敬序

光緒中葉臺諫最著稱者孝感屠梅君先生仁守義烏朱蓉生先生一新皆海內大儒學識精博志慮忠純怒然以國事爲憂而不爲高遠新奇之論直言敢諫天下想望丰采而皆以言事得罪主講書院以終老識者莫不歎執政不爲國家惜賢也丁

酉 廷琛奉

命視學山西梅君先生主令德堂講席先生與先伯謹丞中丞公鄉舉同年 廷琛以後進備承教益得預聞修己治人之道恨相見晚復請其疏稿讀之益歎其忠謀遠慮爲不可及 廷琛以先生教學之效聞于

朝

賞五品卿銜庚子毓賢撫山西與先生論不合疑其袒夷先生去晉入關中時

兩宮西巡鹿文端公雅知先生賢密薦之

特旨授光祿寺少卿交政務處委任駸駸嚮用而小人擠之使不安其位

回鑾時留先生主講關中而先生亦老矣先生之得罪也

孝欽顯皇后方歸政先生請內外要摺仍懇

太后披覽天下疑之及其後國家大政

孝欽顯皇后未嘗不預聞而僉壬讒構其間遂釀甲午戊戌庚子三大變乃歎服先生遠識先是先生諫園工恭錄

宣宗戒土木之諭推論剴切

孝欽顯皇后覽之怒然不能罪至是遂以

中旨黜之惡言路益甚而諫官箝口不敢陳闕失矣先生居言路時

朝政已非而國勢猶未甚衰學術猶未大壞而先生已憂岌岌不可保苦口危言若大難之將至設先生當光宣之際痛憤當如何耶廷琛輩遭

國家大變竄伏海濱跼天躋地出入生死幾不得自免先生雖得罪去官猶得從容講學封疆大吏事以賓師之禮海內仰其言論奉爲宗師於是歎先生遭時未爲不幸也抑聞易曰履霜

堅冰至當先生時

朝政雖已非使執政聽兩先生之言及國勢未甚衰學術未大壞而勵精圖挽救又益虛已求賢才布列中外天下事猶大可爲而不惜挫士氣棄賢才以至敗壞不可復救蓋先生猶當日艮之時而今則已墜虞淵矣故尤不能不太息痛恨于當時執政阿旨取諛使陵夷至於此也

廷琛覆

命

行在謁假歸覲省先生於三原先生贈言所以獎勗而期望之者甚厚

廷琛

垂老學問無成於國事曾不能挽救萬一每誦先生言輒爲愧歎不自勝先生歸道山

廷琛

貽書其哲嗣請爲先

生刊疏稿遷延二十餘年中間所遭不幸蓋有難言者乃歷久而後踐斯諾則尤有愧於先生而不禁泣然流涕者已辛酉九月年愚姪劉廷琛序

屠光祿奏疏目錄

卷一

敬獻芻言疏

奏請查辦鄖西縣命案冤抑疏

請查辦劣員嚴治兇犯片

請查辦鄖西縣謝翼清浮捐侵挪片

奏請申嚴門禁以復舊章防未然疏

請訪拿游勇革弁片

請 修省以謹 天戒片

奏陳求治當務本圖濟時必有要道疏

奏請查辦督臣瞻徇迴護疏

請將唐炯徐延旭嚴行議罪片

卷二

遵 旨覆奏疏

奏參兩廣督臣張樹聲疏

參順德副將利輝片

請查湖北積弊片

奏陳法人和議宜詳慎疏

陳法越三策片

奏陳自強之道不宜畏避遷延疏

應 詔陳言疏

陳湖北錢糧積弊片

卷三

奏請 收回醇親王會辦 成命疏

奏陳圖治必在勵精弭患宜防積漸疏

陳江蘇河南湖廣等省災變情形片

奏參革員取巧疏

奏參湖南撫臣卞寶第疏

陳各省釐局收白銅制錢片

奏請 勤修政治以答 天戒疏

奏參大臣查辦事件背公向私疏

陳查辦摺未經發鈔片

奏參重臣專擅疏

奏參革員黃綠進用盤踞要津疏

卷四

敬陳祖訓疏

奏請停止海軍報効疏

奏陳通州不宜開鐵路疏

奏陳鐵路宜慎始疏

奏歸政屆期謹陳舊章疏

奏陳變通書院章程疏

代

奏懇 收回成命疏

恭謝 天恩疏

叩謝 天恩疏

恭謝 天恩疏

屠光祿奏疏卷一

孝感 屠仁守

敬獻芻言疏

奏爲敬獻芻言仰祈

聖鑒事 臣竊維今天下待治在我

皇上之一身

皇上欲脩身以治天下則莫急於

典學

皇太后垂簾訓政宵旰焦勞

皇上正宜仰體

皇朝通志卷一
慈懷及此未親萬幾之時日新

至德昔

聖祖仁皇帝夙齡踐阼

勤學好問辨色卽

御經筵會軍務控億臣工請問日進講猶且未蒙

俞允伏讀

實錄

聖訓憂勤惕慮未嘗偶蒙逸豫之思

庭訓格言二百四十六則闡明性理發揮經義之餘多及細微之

事而天德王道無不隱寓其中此實削平三藩復定九省

之基本我

皇上所宜效法者也

皇上聖質天縱進脩次第臣不敢妄涉揣擬竊以爲諸經大義
既通所亟當進講者莫要於真德秀大學衍義一書誠能
盡格致誠正修齊之本則治國平天下猶運之掌其他書
傳紛綸雖靡不開卷有益然恐見效或寡用功已多未若
此簡而易明約而可守體用該貫法戒昭然爲內聖外王
之極規無雜霸小補之陋說伏冀

皇上因文求義卽事考理益責

毓慶宮諸臣盡心啟沃

念宗社安危之所繫懋勉

宸脩然後靖內攘外諸務次第振興則知事會之多艱實以殷

憂而啟

聖於以鞏

皇圖繩

祖武實萬世無疆之休臣章句鄙儒謬居言職不勝惓惓私願冒

昧瀆陳是否有當伏乞

皇太后

皇上聖鑒謹

奏

光緒九年十一月 日

奏請查辦鄖西命案冤抑疏

奏爲督撫具奏命案疑竇多端顯有冤抑請

簡派大臣查辦以成信讞而重民命恭摺仰祈

聖鑒事竊臣風聞湖北鄖陽府鄖西縣有勸捐局釀命一案該

府縣互相稟揭久未定讞緣鄖西縣知縣謝翼清上年冬
間勸辦學田捐輸派紳士廩生余瓊芳往查上津地方分
局不知因何與局內縣書王士俊干瑞堂口角王士俊等
將余瓊芳共毆多傷慮其回縣報復隨將余瓊芳謀毒斃
命捏稱患病身死移屍回縣屍子余錫五見伊父受有傷
毒情形控縣請驗該縣不爲驗究余錫五赴府稟請委驗

經鄖陽府知府承祿委鄖縣知縣彭世翰前往會同謝翼清驗明余瓊芳屍身有傷幾處銀釵探入喉內作青黯色係受傷後被毒身死當場取具驗明傷毒甘結令屍子余錫五畫押領屍安埋此當時眾目共覩之事乃該縣謝翼清置不究辦謾稱余瓊芳似屬有病傷係死後捏傷屍子不服復行府控經該府提訊添委竹谿縣知縣周益會同彭世翰謝翼清審得余瓊芳係縣書王士俊千瑞堂共毆致傷後謀毒身死謝翼清託故回縣反以屍子所控不實彭世翰等驗審不確等情通稟上司該府因謝翼清抗不
會詳亦錄供稟揭經該督撫將謝翼清撤任行提人卷赴

省集訊各犯翻供不承彭世翰稟請檢驗屍子余錫五亦呈懇復檢該督撫臬司因提解屍棺到省不知何故累月之久延不啟檢轉勒令屍子具呈求免檢驗以圖結案臣籍隸湖北以上各情傳聞甚悉似非虛誣乃近閱邸抄見該督撫臣卞寶第彭祖賢所奏與傳說情形大相徑庭疑竇種種辨不勝辨舉其大者約有數端謹爲

皇太后

皇上陳之查此案釀成人命在於該郎西縣勸捐局余瓊芳之死是否因捐事起覺該督撫竟無一語及之迹近隱庇其可疑者一相驗之法病與傷毒洗冤錄辨之基詳如果無

傷則傷單無從填註如果無毒則銀釵不能變色就此推
鞫無難悉得確情乃任聽各犯翻供別無左證遽謂原辦
草率其可疑者二謝翼清始初置案不究既謾謂傷係死
後捏傷今據奏又稱謝翼清謂作誤指發變爲傷毒夫
謂死後捏傷則明明有傷謂誤指發變爲傷毒則毒在疑
似而直然無傷是謝翼清已本無確見本無定說該督撫
何所取決而信爲無傷無毒其可疑者三王士俊干瑞堂
皆該郎西縣書吏也見證張奎又該縣差役也書吏犯罪
取證於差役通同一氣安得真供且該督撫摺內並不言
其爲書吏爲差役其可疑者四例有情急妄告之文然多

係誤聽人言懷疑所致今余錫五親見其父屍身有傷卽時控驗迨驗明傷毒余錫五又當場畫押此而謂之懷疑喊報不幾於誕乎其可疑者五本爲犯供翻異屍子余錫五乃求檢驗如果屍子甘願免檢何以不於屍棺將解之日而於屍棺到省已久之時且鄖陽距省幾二千里該屍棺已提到省何以余瓊芳之母余鄧氏忽然赴縣呈懇免檢其爲幹旋消弭尤屬顯然其可疑者六總之此案關鍵專在傷毒之有無何得顛頂偏執舍實據而憑臆斷雖據稱仍飭提集人卷再行確審然揆其成見在胸終於率意完結決無能悉心研鞫自行平反之理夫以該鄖西縣之

勸捐苛擾則諱而不言於其聞控不驗顯違定例則但以爲究屬不合而於屍子百方抑勒必欲其呈懇免檢一得屍子具結則初驗之傷單可以盡行抹煞驗毒之銀釵可以化爲烏有而余瓊芳之冤覆盆莫白矣是使致斃人命之兇犯不伏其辜玩視人命之劣員轉逞厥志奸惡無所懲善良無所訴其如吏治民生何相應請

旨簡派公正大員素諳刑法者前往查辦提集人證卷宗審察原驗之銀釵如其毒狀足據卽不待啟檢亦可推勘得實免死者復受蒸刷之慘特恐犯供狡執自不得不照例覆行檢驗以成信讞而雪沈寃庶官吏鬼域不至幸逃法網

楚中幸甚臣爲慎重民命起見是否有當伏乞

皇太后

皇上聖鑒謹

奏

光緒九年十一月 日

請查辦劣員嚴治兇犯片

再臣風聞湖北房縣民人黎榮峯家於光緒八年正月夜間被陳添青等挾嫌糾眾慘殺伊父黎玉榜及一家四命並殺斃僱工四人搶去伊女黎梅花該縣知縣彭熙緝兇未獲經歸州知州拿獲陳添青陳祥青起獲黎梅花訊據供認僱倩興山縣人蕭永培李姓田姓秦姓等同往搶婚殺人興山縣知縣亦將蕭永培等拿獲解歸房縣審辦該縣彭熙規避糾眾搶殺疏防處分遲延數月輒以黎玉榜等八命係陳添青一人殺害朦混具詳將蕭永培等釋放經該督撫駁斥行提案犯到省飭令查緝餘犯該縣置若

罔聞延宕年餘之久並聞有賄買屍親欲圖和息了案之說伏思以一女子之故慘殺八命兇殘至此耳不忍聞該督撫不卽將該縣嚴參猶令此昏憤之員偃然民上已獲之陳添青稽誅已久設令瘕斃法於何加其餘各犯尙且逍遙事外楚中吏治如此可不爲寒心乎應請

敕併行查辦劣員照例參處兇犯案律抵罪以彰國憲而慰人心謹附片具陳伏乞

聖鑒謹

奏

光緒九年十一月 日